



Broj: 13-11-4-12020/24
Sarajevo, 10.03.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Izrada Elaborata o geotehničkim ispitivanjima tla, glavnog projekta sanacije i projekta geodetskog monitoringa za klizišta u Pofalićima u ul. Reisa Fehima Spahe do br. 141“, po provedenom postupku javne nabavke putem otvorenog postupka javne nabavke izabran je slijedeći ponuđač:

FM INŽENJERING d.o.o. Sarajevo
sa ukupnom cijenom od 19.422,00 KM

(slovima: devetnaesthiljadačetiristotinedvadesetdvije i 13/100 konvertibilne marake) sa PDV-om

II

Za izvršenje ove Odluke zadužuje se Služba za civilnu zaštitu

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-12020/24 od 31.12.2024. godine.

Procijenjena vrijednost javne nabavke sa PDV-om je: 20.000,00 KM (slovima: dvadesethiljada i 00/100 konvertibilnih maraka).

Obavještenje o javnoj nabavci broj: 935-1-2-11-3-85/25 objavljeno je na portalu javnih nabavki 30.01.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 19.02.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	DESIGN & QC d.o.o. Sarajevo	13.923,00 KM
2.	GEO KONZALTING d.o.o. Sarajevo	18.696,60 KM
3.	INSTITUT ZA GRAĐEVINARSTVO „IG“ d.o.o. Banja Luka	19.999,98 KM
4.	FM INŽENJERING d.o.o. Sarajevo	19.983,60 KM
5.	WINNER PROJECT d.o.o. Sarajevo	15.771,49 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Komisija za javne nabavke roba, radova i usluga je izvršila analizu cijene ponude ponuđača FM INŽENJERING d.o.o. Sarajevo, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču FM INŽENJERING d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača FM INŽENJERING d.o.o. Sarajevo nakon ispravke računске greške iznosila je 16.880,00 KM bez PDV-a.

Komisija je konstatovala da je ponuda ponuđača FM INŽENJERING d.o.o. Sarajevo **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponuđač INSTITUT ZA GRAĐEVINARSTVO „IG“ d.o.o. Banja Luka je cilju dokazivanja tehničke i profesionalne sposobnosti dostavio potvrde o uspješnoj realizaciji ugovora, te je ugovorni organ sa ciljem pojašnjenja istih, a u skladu sa članom 48. stav (5) Zakona o javnim nabavkama (“Službeni glasnik BiH”, br. 39/14, 59/22, 50/24), dana 21.03.2025. godine zahtijevao pismeno pojašnjenje dostavljenih referenci.

Dana 25.02.2025. godine ponuđač INSTITUT ZA GRAĐEVINARSTVO „IG“ d.o.o. Banja Luka je dostavio pismeno pojašnjenje dostavljenih potvrda iz kojih je vidljivo da ispunjava uslove u pogledu tehničke i profesionalne sposobnosti koji je traženo da ponuđač ima uspješno iskustvo u realizaciji najmanje 1 (jednog) ugovora koji se odnosio na predmet nabavke.

U skladu sa navedenim ponuda ponuđača INSTITUT ZA GRAĐEVINARSTVO „IG“ d.o.o. Banja Luka se smatra **prihvatljivom** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Ponudu ponuđača GEO KONZALTING d.o.o. Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u pogledu tehničke i profesionalne sposobnosti traženo je da ponuđač ima uspješno iskustvo u realizaciji najmanje 1 (jednog) ugovora koji se odnosio na predmet nabavke, u posljednje 3 (tri) godina računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine.

Predmetom javne nabavke smatra se izrada Elaborata o geotehničkim ispitivanjima tla, glavnog projekta sanacije i projekta geodetskog monitoringa za klizišta, te su ponuđači bili dužni da posjeduju iskustvo u realizaciji predmetnih usluga.

Ponuđač je cilju dokazivanja tehničke i profesionalne sposobnosti dostavio Potvrdu o uspješnoj realizaciji ugovora od 25.03.2024. godine izdatu od strane Općine Ilidža, sa koja se odnosi na ugovor "Izrada projektne dokumentacije za sanaciju klizišta".

Komisija za javne nabavke je dana 21.2.2025. godine, a u skladu sa članom 48. stav (5) Zakona o javnim nabavkama ("Službeni glasnik BiH", br. 39/14, 59/22, 50/24), zahtjevala pismeno pojašnjenje dostavljene reference u vezi navedene potvrde.

Ponuđač GEO KONZALTING d.o.o. Sarajevo nije dostavio pismeno pojašnjenje dostavljene reference u roku zahtjevanim od strane Komisije, te se iz naprijed navedenih razloga ponuda smatra neprihvatljivom, te se nije mogla uzeti u dalje razmatranje.

Ponudu ponuđača WINNER PROJECT d.o.o. Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u pogledu tehničke i profesionalne sposobnosti traženo je da ponuđač ima uspješno iskustvo u realizaciji najmanje 1 (jednog) ugovora koji se odnosio na predmet nabavke, u posljednje 3 (tri) godina računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine.

Ponuđač je cilju dokazivanja tehničke i profesionalne sposobnosti dostavio potvrdu naručioca o kvalitetu izvršenih radova/usluga od strane EURO-MONT d.o.o. Zenica u kojoj se navodi da je uspješno realizovan ugovor o izvođenju inženjersko-geoloških i geomehaničkih istražnih radova sa izradom elaborata na lokalitetu izgradnje stambeno-poslovnog objekta Ul. Trg Rudara bb, Zenica.

Ponuđač WINNER PROJECT d.o.o. Sarajevo je dostavio potvrdu iz koje nije vidljivo da je uspješno realizovan ugovor koji se odnosio na predmet nabavke, niti se u istoj navodi da su izvršene predmetne usluge, a koje se odnose na klizište.

Iz naprijed navedenih razloga, ponuda ponuđača WINNER PROJECT d.o.o. Sarajevo se nije mogla uzeti u dalje razmatranje.

Ponudu ponuđača DESIGN & QC d.o.o. Sarajevo Komisija je ocijenila kao **neprihvatljivu** iz sljedećeg razloga:

Ponuđač DESIGN & QC d.o.o. Sarajevo je uz ponudu dostavio Obrazac za cijenu ponude – Aneks 3, unutar kojeg je propustio da popuni jedinične cijene za pozicije redni broj: 1.2., 1.3. i 2.1.

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Ponudač je također ponuđač je propustio da popuni ukupnu cijenu bez PDV-a na stranici str. 13 ponude (Obrazac za cijenu ponude – Aneks 3).

Tenderskom dokumentacijom unutar napomene obrasca za cijenu ponude navodi se da je ponuđač obavezan popuniti kompletan Obrazac za cijenu ponude, prema utvrđenoj šemi. U slučaju da ponuđač ne popuni kompletan obrazac, ponuda će biti odbačena kao neprihvatljiva.

Iz naprijed navedenih razloga, ponuda ponuđača DESIGN & QC d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	FM INŽENJERING d.o.o. Sarajevo	19.983,60 KM
2.	INSTITUT ZA GRAĐEVINARSTVO „IG“ d.o.o. Banja Luka	19.999,98 KM

Ponude ponuđača FM INŽENJERING d.o.o. Sarajevo i INSTITUT ZA GRAĐEVINARSTVO „IG“ d.o.o. Banja Luka su unesene u sistem e-nabavki i zakazana je e-aukcija, koja je održana dana 03.03.2025. godine s početkom u 10:00 sati, i koja je trajala 34 (tridesetčetiri) minute.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač FM INŽENJERING d.o.o. Sarajevo ponudio najnižu cijenu koja iznosi 16.600,00 (šesnaesthiljadašeststotina i 00/100 konvertibilnih maraka) KM bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjeno cijene nakon provedene e-aukcije*
1.	FM INŽENJERING d.o.o. Sarajevo	16.600,00 KM	19.422,00 KM	1,66 %
2.	INSTITUT ZA GRAĐEVINARSTVO „IG“ d.o.o. Banja Luka	16.610,00 KM	19.433,70 KM	2,83 %

* Označava približnu vrijednost procentualnog umanjavanja nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da donese Odluku o izboru najpovoljnijeg ponuđača, te da se ponuđaču FM INŽENJERING d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 19.422,00 KM (slovima: devetnaesthiljadačetiristotinedvadesetdvije i 13/100 konvertibilne marake) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

**OPĆINSKA NAČELNICA**
Prof. dr. Benjamina Karić

DOSTAVLJENO:

- DESIGN & QC d.o.o. Sarajevo
- GEO KONZALTING d.o.o. Sarajevo
- INSTITUT ZA GRAĐEVINARSTVO „IG“ d.o.o. Banja Luka
- FM INŽENJERING d.o.o. Sarajevo
- WINNER PROJECT d.o.o. Sarajevo

*Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove*

*tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.*



